

Ms. 650 n 31

D E

S. SPIRITVS

ADVENTV.

ORATIO.

H A B I T A

In Sacello Pontificio

AD SANCTISSIMVM D. N.

INNOCENTIVM XI.

PONT. MAX.

AB ABBATE THOMA CERVINO

Scm. Rom. Conuic&



ROMÆ, Typis Francisci de Lazaris Ignatij fil. 1684.

SVPERIORVM PERMISSV.

*Imprimatur.*

**Si videbitur Reuerendiss. Patri Magister Sac. Pal,  
Apost.**

*Io. de Angelis Archiepisc. Urb. Vicefg.*

---

*Imprimatur,*

**Fr. Ioseph Clarionus S. Theologiæ Professor ac  
Reuerendissimi D. Fr. Dominici Mariæ Puteo-  
bonelli S. A. Palatij Mag. Socius Ord. Præd.**



INNOCENTIO XI.

PONT. MAX.

ABB. THOMAS CERVINVS

FELICITATEM.



Iuinum Amorem Bellatoris in speciem hac exhibeo in oratione B. P. quidni ergo hanc tibi consecrarem, qui adeò liberaliter sacris prælijs, & Christianis adstas Bellatoribus ? Cum de amore diuino coram te loquerer,

A 2 vi-

videbar mihi de te quodammodo loqui,  
 qui tam graphicè sacris in bellis amorem  
 diuinum imitaris. Ille igneo linguarum  
 eloquio religiosum in bellum impulit  
 Apostolos, docuitque de superstitione  
 sanctissimè triumphare. Tu Christia-  
 num Orbem Vaticani numinis ardore  
 accendis ad arma, & prouocas ad trium-  
 phos; nec desunt verbis pretium, &  
 pondus dum idem aurum pontificij  
 Erarij bellatrici liberalitate transfundis,  
 vt fateri liceat, nullum meliùs in Ot-  
 tomannos pugnare, quam INNOCEN-  
 TIVM. Excipe ergo tenue hoc mu-  
 nus obsequentissimi animi, & ne dedi-  
 gneris illi commodare liberales oculos,  
 & demittere paulùm Dei vicariam Maie-  
 statem, quam qui non videt sentit, qui  
 videt adorat.



ORA-



# ORATIO.



Perit hodie Deus Scholam  
 amoris in Cēnaculo B.P. A-  
 moremque ipsum in Magi-  
 strum immittit, vt igneo elo-  
 quio castissimam ad artem  
 erudiat. Omnia, (vt ita di-  
 xerim) amor est, & omnia docet, qui verum  
 docet amorem: Quid mirum ergo, si promissit  
 salutis Assertor nostræ rerum omnium Scien-  
 tiam Amore magistro? *ille vos docebit omnia*,  
 quæ vt facillimè doceat, totus in linguas abit,  
 tonitrumque ipsum eruditam adhibet in vocem.  
 Vt tamen innotescat magis quid doceat immissus  
 amor, doctrinam amoris perpendamus: docet  
 siquidem qui fuerit amor Dei erga homines,  
 & quantus itēm deceat nos in Deum amor.

Cum degebat inter homines corporata

Di.

Diuinitas, nostra obluſtante duritie non ſatis potuit docere amore ſuo, qui fuerit amor Dei erga homines. Vix propterea diſceſſit ab hominibus, cum illicò amorem delegauit, non eum tantum, quo Deus homines, ſed quo Deus Deum amat, vt cæleſti incendio aboleret vitium illud, quod docenti Chriſto repugnarat. Formam ergo amoris huius deſcendentis è Cælo, vt præceptorem ageret, contempla-  
mini.

Bellatoris ſpeciem præſert, vt hac ſub ſpecie optimè probet, & referat Dei erga homines amorem, cui duntaxat bella placent, dum venit *non pacem mittere, ſed gladium*. Huius arma Bellatoris tonitrua ſunt, & Ventus; geminus ſcilicet terror, vt noſcamus arma, quibus vtitur diuinus Amor, dum Generi humano indulget, nempè tonitru, & vento ſonorus inſonuit magno eo bello, quod pro hominibus in Deum ipſum commiſit, & in quo Deus ipſe amoris vi à Cælo raptus, ingens fuit belli præda. Numne tunc etiam *intonuit de Cælo Deus*, dum VERBUM dedit hominibus, quo VERBO tanquam tonitru pugnavit amor, non in homines, ſed in hominum hoſtes, in mortem ſcilicet, & Inferos?

Num-

Numne ventō vsus est ad pugnandum generoso nimirum amoris impetu , vt quidquid obstabat , demoliretur ! *Ecce Deus transit (e Cælo scilicet in terram) & spiritus fortis subuertens, montes, & conterens petras ante Deum : Cælos, ipsos innectentes moram dirupit hoc impetu, vt homini victoriam prodigiosa celeritate maturaret. Quam benè ergo delapsus hodie hic amor armatus tonitru, & vento docet, qui sit erga homines Dei amor, qui tonitru, & vento præliatur.*

Non tamen hæc tantum descendendo docet; palam insupèr facit sacri hic belli Præceptor, quantus nos in Deum deceat an er; nimirum ipse etiam diuini ad instar amoris tonitru debet & vento communiri. Didicistis hoc sanè sub tanto Magistro discipuli fortunatissimi, quos in Cænaculo veluti in palæstra amor erudiuit. Vos illicò amorem vestrum in Deum, tonitru, ventoque armastis, vt Deo pugnetis: Vestrum tonitru sonus ille erat, *qui in uniuersam Terram exiuit, quoque Idolorum superstitio debellata penitus in orbe terrarum, & ante pugnā timore expugnata latebras ad fugam exoptauit. Inerat tonitruui ventus, qui montes verè petrasque diffingeret, nempe monstro.*

strosa simulacra , in quibus inanimem Deorum populum mendax Religio venerabatur: dissecit templa, vbi mentita Diuinitas exigebat in cultum Arabum Tymiamata . Si Tyrannorum barbaries ferreos opponebat aggeres, quibus armatum amorem pro Christo pugnantem moraretur , eo vento, quo armabimini , euertebantur . Si mors ipsa intentabatur, efflato Spiritu vincebatis, vincebatis videlicet mortem moriendo .

Reliquum est , vt ipsi nos condiscamus amorem Deo reddere , eique conformem, quo a Deo in vberima flammaram eluuiione donamur .

Et quot nunc Amorem obarmant pro Christo militaturum ? Amoris huius tonitru , nec sine comitante fulmine è Vaticano erumpit , & barbaræ superstitioni felices ruinas , & salubre excidium minitatur .

